

35

30

25

20

15

10

星巖集

丙集



津田文庫
文庫 1
1685
4



序

余嘗擇江山詩屬於玉池唱宋元清新
之詩一時望風來和者頗多梁右以蕭
何爲參社年僅冠字詩才精敏
被屬其坐人余竊以累日駕壇之期
之既而少齒西歸未幾十數年余家罹
炎詩虛蕩然於是玉池上多遺詩人之
跡近日公闕渡東余叩其所造詩詩津

益細集字片句不敢輕下人之指之屬
自遂卜居於玉池教授生徒云今茲
西中之名以適將列其第之集妙問
世請序於余蓋公園東宗唐詩全集
耿宗元趙向雖小異而其以清新爲
主則未嘗不同也嗚呼余老矣病懶
日增無復能爲也已今以所蓄之才之
敏加以強壯之年其於揚扢夙雅誦導

後進固當優爲之况斯集之出來清敷
者將益多則余當日期之屬者於是乎
在焉余每得不善而序之天保丙申春
平日七十翁大寔行撰子鍊屏精舍之

南臺

江采蘋

荷塘大竹塔書

序

嚮者赤羽諸人狎主詩盟皆以盛唐為宗大抵膚立而中空優孟衣冠至令齒冷於是人皆降宋尤以降宋近世取其最下者辨香奉之遂以興唐為大戒如將浼焉豈非大謬哉詩之有唐猶文書之有晉文之有漢不學焉則已學焉則捨是无所得師也且宋元近世之詩亦孰不出唐者今飲其流而忘其源見其適有不善學者遂甚棄之甚

者沾病隨之是何異於以子孫之不肖追罪父祖之誰信之況其身亦為雲仍昆來者乎吾友梁公固蓋有慨於此意欲稿之而懲嚮者固陋之弊故其詩祈嚮於三唐而博涉歷代之論宗之至明之季迪獻吉清之駿公貽上諸家咀其華而含其英焉略其瑕而舉其秀焉哦一字不必自擾之得一句不狃必千鍊之剗削錄肝務求合於古人故其尋常應酬對客揮毫之作余甚高之蓋其

閑門構思而成者若老吏之立案畫獄一定不動也人皆廢服焉然余考之圖之詩前後漸異甲乙二集格法確正郭郭未甚廣及今成此集彊域更闢駿之乎莫之能擯矣且以圖齒未甚高致之不憚又假之年至五六十遂能牢範百氏大而化之渾字其雄浩乎其沛然矣則將與古之名家方駕而馳也嗚呼棄間牒上之音起而衛喪矣至樹後庭之曲成而陳并矣詩雖曰小技其所關係亦

大令之圖來住江戶。開張壇坫。四方所引領。贐望其
於雅鄭。辨尤可弗慎哉。雖然。少陵不云乎。文章
千古事。得失寸心知。薦滿於詩者也。自知之明。
尚何待人示諱。乎。但余。与之圖注。來尤熟。及其序
義。我不得辭。姑書所見。以誌世。之。讀此集者。天保
丙申。古重陽友人津藩裔藤謹撰。

星巖原璽書



原

星巖丙集目錄

卷一

梨花村草舍文集原藁古今體共五十二首刪存

三十二首

卷二

京甸集原藁古今體共一百五首刪存七十五首

卷三

帰省集原藁古今體共五十三首刪存二十五首

卷四

問津集原藁古今體共五十八首刪存三十二首

卷五

京甸支集原葉古今體共六十三首刪存三十八首

卷六

益湖客漁集原葉古今體共一百五十七首刪存一百七首

卷七

竹兜集原葉古今體共三十四首刪存二十五首

卷八

夷白盦集一原葉古今體共八十二首刪存五十首

卷九

九首

夷白盦集二原葉古今體共七十五首刪存五十首

卷十

四首

甲午餘燼集原葉古今體共七十四首刪存六十首

三首

通計原葉古今體共七百五十三首刪存五

百零八首



星巖丙集卷一

美濃 梁 縱 公圖

梨花邨草舍支集

起丙戌四月
盡丁亥三月

草舍偶詠

三間茅棟古耕釣自成隣有似鹿門隱兼之原憲貧客
稀長閑戶花落不知春咄咄莫輕出滿城車馬塵

王元章梅花屋圖

白鬼跳梁赤鬼嗔北風無地不沙塵何如木劍高簷帽
繞磽梅花百樹春元章自題梅花屋云荒苔叢篠路榮廻繞磽新歲百樹梅

畫斗



野琴帶_モ匏聊_{ヲカ}三弄_ヲ邨酒多灰且一嘗學取紫桑陶處士
青天白日到羲皇

讀書五首錄

讀書當涼夕、燈花墜復生。一行繭絲亂、隻字馬蹠坑。
夜如何其風策策、蠅蛻吊月葉露明。雙眸爾時海波定、冥
茫八極遊心兵。嗚呼已矣乎梁生、攻擊爭得周孔情。
讀書誰其用、秦燔以後二千年。四海曹騰如夜國、無人
銳意希聖賢。董生惟賈生、策孟軻七篇韓愈傳。諸餘末
學何有此、馬隊紛紛開講肆。陶淵明詩、馬隊非
講肆枝書亦已勤
讀書養志氣、乃牢籠乾坤。諸葛在草廬、指掌示三分後

來李泌又其人白衣登庸掌絲綸、一品之服兩顆梨。共
言恩寵無等倫、芋爐嘗殘也。自甜書生在野、一例貧哀
哉世儒朝尋章、夕繹句開張。意見爭立門、吁嗟辛苦長
源以後無長源。

幽居三首錄

幽居寡所營、聊復息斯生。林下彈琴罷、溪中弄扇行。
苔經雨活亂、水挾風鳴吾。意翛然遠寥天、鶴一聲。

東漢隱逸十詠錄

中和夙所尚、可比莽大夫。已知不如貧、未知死何如。茫
茫五山去、惟有禽生俱。向長

懇問羊袞史帝也意不忘伸脚亦偶爾眠在故人床釣臺高萬古山水鎮蒼蒼嚴光

造朝不稱臣歸來耕畎畝爭奈父子恩初節殆失守一言以起懦賢哉汝之婦王霸

出關歌五噫遐征良有以誰道鬻春勞夫子其樂只生也得賢妻死也近烈士

梁鴻

辯博通內外真乃百世師連舉皆不就四徵終四辭善哉郭正言避名名我隨法真

纏辯公車徵又見安車來玄纁禮過重狀車且可推亭長奪而擯似為永遯媒

韓康

天下非所保惟安遺子孫棲止倍幽邃峴山到鹿門乘時有龍鳳從爾各飛騫

龐公

秋海棠

青棠姬婉能蠲忿丹棘連娟鮮忘憂一種人間好花草西風腸斷不勝秋

端居書懷示菅太古

絡緯聲軋菊已衰西風槭槭入窓帷塞予無事將終世嗟爾多才欲濟時千樹葉紅寒水見一絲髮白夕陽知溪琴山酒吾家物笑叩星徽倒羽卮

夜坐偶得

天冷局門早蒲團坐欲穿騷刀雙矯影閃澹一燈然疎
雨敲秋竹空山響夜泉無人共況味冥思入商絃

登華嚴寺閣賦長句四韻

虛嵐澹翠晝霏霏臺殿高低峯影圍三級瀑聲吹石轉
八觚塔勢截雲飛梅花已懾山中夢鷗鳥兼忘海上機
擬就歌姬重乞食老僧壞色即吾衣

贈江馬氏細香二首

有引

細香女史風流婉約工詩善墨竹一日同太古士錦
寶甫諸游好集於柏淵純甫爽氣樓余亦至焉乃贈
以二絕句寶甫眇一目故次章戲之

暈碧裁紅簇異葩醉吟破費萬箋霞座間別有靈香送
一朶西天稱意花翻譯名義集須曼那此云苦揭意又云稱意花其色黃白而極香須曼奴生于頸曼花中

瀟灑風流賽仲姬直竿放筆墨淋漓莫教吾衍題詩句
不免朱絲倒好嬉吾衍字子行杭人眇一目嘗作一小詩後倒用此印他日文敏見之罵曰箇瞎子他道倒好嬉子耳

明星津石歌

有引

吾鄉西山之下有澗水古所謂明星津者即此多出
怪石頃從邨長谷某購得一座高約七八寸其色蒼
黑峯巒洞壑悉具信希世寶也輒賦長句一篇歌之

以李監

海岳硯山不可見東坡仇池耳空聞世間好事何有此
夸耀燕石徒紛紛詎知吾鄉西山下孕靈蓄秀碧氤氲
孟冬水落崖露骨一星照爛芒角分谷生獲漫驚喜
且謂連城可立致巧偷豪奪吾何忍阿堵千緝禹汝意
盛以銅盆涵寒泉忽見滿堂流蒼翠二華三茅不在外
岷峩巫峽此列次其小為霍大為宮連峯沓嶂森角雄
天龍衙衙張鱗鬢前蹲象獅後羆熊一縷能係萬鈞重
叩之有響腹空同上洞下壑路互通窻櫺八面何玲瓏
咸曰自非巨靈運神斧誰能極此駁宛工豈知沙磨水

彈年已久遍體自然成嵌空君不見道君盤固千夫舉
舟車運奉何其苦何似此石一拳許可以袖之益可貯
嗟予老矣嚴遠征卧遊聊自寄幽情蘇仙米真今安在
九原可作吾與評縱令洞穴通小有三十六峯刺天青
有此一物太奇異亦未肯居乙丙丁白樂天品第牛相
園中太湖石以甲

乙丙

題松下高士圖為嘯翁壽

霜旻寥廓氣彌高謾誤寒風灑壽毛閒抱邇槽彈一曲
無人知是鬱輪祀

冬日雜興二首

一室掃除盡，惟留書幾箱。衣裁山布煖，飯煮野芹香。
櫻口無樊素，莉釵有孟光。余心歸靜寂，彼我憺相忘。
刺刺風威烈，稜稜霜氣清。庭餘饑鹿蹤，樹有凍禽聲。
人生何踴踴，歲路太嶮嶮。竚竚負趾者，誰子終年不入城。

春初閒詠

手淪寒泉茶味嚴，半窓紅日照牙籤。何來饑鳥聲如磬，
啄我梅花上凍簷。又乘微雨上春犁。

溪居春事二首

雨餘溪水碧，潺湲溪上春山開。笑頰溪鳥似琴聲，戛戛
桃花如馬色，斑斑。

春夕留士錦小飲賦詩寫懷

門外喧喧衆口譁，古來謫笑魯東家。君其留醉有桮杓，
吾復何言。餘齒牙夜靜，溪聲偏入戶。天陰月氣淡，籠花
共搜閒句，不成睡。一撻春燈吹影斜。

遣興二首

誰見憂煎似魯公，鼠號連訴飯糲空。尺幅未渠從人乞，
且泥細君炊二缸。

壘破溪雲別圃成，煙芽露甲漸青青。先生近課人知否，

一部神農本草經

丁亥三月將赴京師，笛題草舍，薛五首錄

心跡未閒，雲出岫，應緣范舟覩生塵。一區松竹數椽屋，

留掩夕陽溪水濱。

擾擾輪蹄塵滿城，浮名妄利日紛爭。如何林下忘言者，也策羸驥去入京。

星巖丙集卷一

星巖丙集卷二

羨濃 梁 縱 公圖

京甸集

起丁亥四月盡己丑正月

入京僦居於銅駝坊，偶得長句題壁。

東依西托跡飄然，正坐家無二頃田。敢望以詩鳴盛世，惟思憑酒送殘年。青樓白日吹龍管，紫陌紅塵撲馬鞭。聞道長安居不易，未知何地是終焉。

同賴子成飲笠山宅

酬酢何害，共留連。入座燈光夜可憐，好倩香風吹得醒。建蘭抹麝竺紅蓮。

亞槐南洞公席上同詠素馨花得胸字

暮風吹綻玉瓏簪露裏柔條粉氣濃太似宮娃因眠醒
依微香汗濕酥胸

王海仙畫楊妃教鸚鵡圖

金籠妖夢馬嵬魂是色是空休復論只好琅琅相對誦
花枝解語鳥能言

客居無憊重作明星津石歌以遣用東坡雪浪石韻

重峯複嶺翠巒屯兜孫羅立丈人尊幽處疑有蛟龍伏
洞壑陰森白日昏客牕晝卧聞相對恍惚夢過溪西邨

秧田百頃風吹綠山當屋頭水繞門嗟予去此屢作客
長路漫漫役羈魂東踰碓冰西筑石勁風吹斷孤蓬根
偶來輦下借一廛也似雪鴻留爪痕年華逝水逝容鬢改
心事蹉跎誰與論嗟哉故山何當從田父醉歌舞嗚
嗚擊瓦盆嗟哉石乎石乎有典型一拳巋然到處存

茉莉花絕句三首

一盆新買小南強要助吟窓幾夜涼緬想五羊天萬里
花田滿地雪吹香
古來名媛出炎荒孰似卿卿倚晚粧請看風簾月階畔
肯饒西子與毛嬌西毛並粵產

濃薰透入白霓裳、倒挂綠衣爭可方。始信趙家憑五蘊、不如肌肉自然香。

月夕島水酒樓聽妓戲咏

演漾風簾捲月波、尊前誰與唱清歌。天邊顧兔休看錯、別是人間一素娥。

七月既望宮羽卿要余泛舟於三筱水賞月、勝珠文期而不至、珠文善吹簫。

扁舟一櫂遡流光、月下爭歌窈窕章。驛仙興致依稀似只欠吹簫、楊世昌。

島西寓樓夜留菅希顏話詩

半穢吟燈隔、座青風聲灘響夜泠泠。吾家一曲廣陵散、從爾通宵枕枕聽。

秋夕書懷寄弟

蟋蟀在床秋已深、湯鳴饑吻學哀吟。餘生廓落難為計、暮雨森沈欲作霖。燈火一牕夫婦夢、家書千里弟兄心。耿然欹枕勞遐想、霜葉寒禽滿故林。

畫鷹

星眸玉爪見雄姿、正是桑村黃落時。滿地麗龍驕傲甚、不知上有決雲兒。

送神寶甫歸美濃時秋社

人歸燕去尚淹留搖落京城無限秋一片離心逐帆席
鯉魚風裏過江州

遇詩佛老人題其畫梅兼贈

霜鷗水靄重見時梅花仍是舊容儀人間耆宿今無幾
珍重臨風玉一枝

大定硯歌

有引

偶得歙石龍池硯一高七寸五分闊五寸二分厚一
寸二分背鐫大定之寶字因成長句二十韵
歙州龍尾天下貴璧沿春蒸氣吐虹四邊雲濤卷池起
蜿蜒有物欲飛翀七下背鐫大定之寶字字體古勁筆正鋒

乃是金源中秘藏知易幾主到乃公金迄大定始全盛
時以漢文比世宗瑞光樓前按法曲瑞光樓世宗之所築桂樹秋
香淹冉風此硯爾時方進上婆羅門引御書工元遺山
宗柳書田不伐望月婆羅門引詩諸王子弟皆才俊繪事故應推青宮
雲厓崖竹石驚墜突出天閑五花駿太子允恭有竹石圖及唐天閑馬圖
想見此硯亦在側池中靈物欲角雄自從銅人攜出露
盤去燕臺月黑夜夢夢廣寒宮殿吹腥五壽寧宮瓊華島絕頂有殿
名廣寒遺山所謂廣寒猶想鳳笙歸是也山河大地影一空此硯爾時逃何
處漠漠塵沙風卷蓬嗟哉離合興亡遽如許遺山野史
見深衷玉闕連雲尚焦土蒙古破金燕都焚官室火一月不滅況乃區區

小玲瓏誰知神靈有呵護萬里送將瀛海東梁子獲之
躍三百寶愛殆與商彝同只愧無文敵奇古墨水淋漓
徒滿胸摩杪忽動張顛興風雨颯沓驅豐隆却思赭白
一鞭渡江水黑龍雲漲晝冥濛金史世紀曰生女直有江亦曰黑龍江下金始祖起於些○金主是次混同江無舟以渡使一人導前乘赭白馬徑涉曰視吾鞭所指而行諸軍隨之水及馬腹既濟使舟人測其渡處不得其底

題漁隱圖贈菱湖老人

吟蓑醉笠釣魚舟自是人間第一流須記飛卿詩句好
莫拋蓬棹謁王侯

十二月望夜雪霽亞槐南洞公席上同賦即事

宮溝流水凍無聲燎火搖光雪忽晴知是移來仙蹕
近依微風遞玉鑾鳴

元日

金鷄喔喔海霞明格是平頭四十人手把楸花一欵嘆
這回稱老最初春

正月十九日

上御南殿聞樂舞令士民縱觀縵亦造焉竊賦
長句以紀盛事

天門曉闢日華新一曲承雲萬國春共喜

聖朝恩渥遍布韋濫得近櫻宸

二月初五出郭散策經如亭柏山人舊寓有感成長句四韵

小帘輕颺夕陽紅聖護林南鴨水東十里古隄啼鳥樹數聲殘笛落梅風故人已化為長夢往事無端共一空重到笑歌喧鬧地寒煙蔓草碧濛濛

為友人題亡姪高氏畫梨花圖

似夢如雲恍不真梨花空剩一枚春床頭披對誤相喚已是塵沙劫外人

讀小栗十州遺藁有如亭山人序彼此觸懷潛

然題一絕句

讀罷遺編掩復開故交零落轉堪哀山人有序傷長逝逝矣山久也不來

客居書懷寄弟

曾在田廬占鶲鵠春城此際筆為農對人兀兀愁非醉局戶沈沈病是慵厨舍爨煙連暮靄書龕燈火到晨鐘孟光仍善居中饋只恨東頭欠士龍

春曉

鶯聲鬧處日初暉蝶夢醒時露未晞姪蛇花枝旖旎柳都扶春影上簾衣

京華女兒曲 有引

客有持成德畫美人索題言者為賦此詞而見規誠之義云

京華女兒十六七黃金縷衣繡蔽膝淺笑倚風紅玫瑰一雙瞳人黑於漆朝搗秦箏暮撫笛歌唇櫻綻嬌欲滴春風駘蕩斷柔腸真珠露透杏花房豈料一枝忽出墻百金賣作青樓倡君不見田舍婦釵荆裳青布死則同穴生同衾唯有歡喜無嫉妒只願堯化長如此江沱上鶡毛羽秦家弄玉二十強鳳凰不來澀銀簧何以貧賤女易售嫁具一擔黃竹箱露桃無言春脈脈燕子樓

寒霜月白青陵臺畔蝶雙飛金谷園中花零落貞魂不死萬古長笑琴心胡笳拍君不見東家醜女似無鹽白日深窓讀女箴

偶題示仁科禮宗

銅雀臺灰金谷塵西陵東市足哀呻幕天一醉唯堪慕擬買春絲繡伯倫

暮春遣興

遊節日日入煙霞九十春中稀在家頻買杏花村店酒飽嘗禪客竹房茶野香幾陣猶飛蝶池雨連朝已鬧蛙把玩流光聊取適從他送到嬌邊華

三月二十八日遊音羽山經

上皇離宮

時殘花尚爛漫

山繞溪廻入彩霞春風聞說引鑾車來偷一賞偎墻立
幾樹殘櫻御愛花

春盡日同子成遊沙川二首

招招風影酒旗斜吟到夕陽沙外家未盡一盃眼先醉
飛花飄絮閑殘霞
送春豈惜累盆觥要遣中年以後情不忿紫藤花底水
嗚嗚還作別離聲

夏景冲澹出遊書事

雨餘垂柳蘸輕波瞥瞥游魚戲嫩荷春色纔歸詩客錦
薰風已卷美人羅百年鼎鼎只如此兩鬢星星當奈何
習氣未除情興在又攜雙斗聽鶯歌

三樹水亭借榻二首

百花淨盡草如煙青帝舟車去杳然留此典型差慰眼
湘妃鉢空沈郎錢
石鼎砂甌氣味新九旬芳跡已成陳薰風就我提籃裏
吹出乾紅數點春

日比野士力持鷁僂上人花卉圖卷索余題言
為賦絕句

遊戲丹青妙入神，毫光一瞥已前塵。
零枝殘葉依然在，不見拈花微笑人。

夏初雨霽遣興，

汨汨繞階殘溜鳴。乍聞禽鳥報新晴，
脣足痺成思散行。經雨柳梢飛絮重，逢風燕子剪刀輕。
計來田舍此時節，出甑麵香銀線明。

四月廿五日陪南洞公登鍊龍山寺望琵琶湖

得湖字

胷中詩本漸荒蕪，但見紅塵漲九衢。
今曉忽隨文旆去，鍊龍山上望芭湖。

五日偶題二首

貧居何以答端陽，瓶挿菖蒲只漫香。
想見朱門人賀第，葛衣滿背汗如漿。

淒風涼雨竹窓幽，紅滴一枝安石榴。
可笑無錢買桺杓，只將醒眼讀離憂。

草堂小集戲分和歌題得待郭公

對床無語愴如忘，忽漫爭誇耳孔長。
聽做杜鵑真好笑，一聲叫月赤斑唐。

鶲聲絕似子規

南洞公洗心堂集同詠凌霄花

欲奪煌煌天半霞，憑他喬木附為家。
兒曹莫道無風力，

終是人間絕頂花

竹洞山人畫竹歌

竹洞山人胷辟立中瀦萬斛古煤汁吐向席間生滃雲
但聞雲中啾啾鬼神泣須臾雲散見簣簷元氣淋漓滿
箋溼君不見昔日老可守陵州竹入手走墨虬同時
東坡師其法後來倣之有丹邱山人所師抑誰法笑曰
唯心是師不他求嗟哉近世畫工率巧黠多方衒賣利
之謀豈比山人方寸無纖芥清風瀟灑爽於秋籟此清
風以驚俗工俗山人笑而搖手休休虛心其誰能到
此山人山人莫與傳噫戲山人山人誰與傳

奉和南洞公詠素馨花二十絕句每詩尾聯以

唐句蓋倣宋子虛鯨背吟之體

錄四十首

曾閱嵇含花木狀異葩多出自南荒不知何代踰瀛洲
一片仙雲入帝京

賈至

驅土香汙手自培公卿也具郭駝才今宵有喜人知否
雨灑瑤階花盡開花藥夫人

灼然爭架互蟠螺一繖銀絲亂不收纖質憐渠能耐冷
風簾似水滿床秋

趙嘏

半欲拆開仍半封珠娘微笑為誰容多情翡翠簾前月
偏照嬋娟色最濃

李涉

風前脈脈立無言。云是劉家侍妾魂。但使上他阿咸譜。
分明怨恨曲中論。杜甫○南漢王劉鋹侍妾名素馨。其
彈阮咸其詞中有茉莉而無素馨。

索花副得玉成雙。離立臨風韵並高莫怪相逢即相覩。
羨人南國舊同袍。許渾

一花奚翅價千金。持比蕙蘭香更深。綴到梢頭無可憐。
三三五五結同心。施肩吾

千朵花殘萬朵新。清薰一挹賽甘珍。侍兒偷摘花心去。
背挿金釵嗟向人。杜牧

呼做搖艷恐未公。知名豈向鄭詩中。請看花發能貞白。

不鬪穠華不占紅。吳融

手向軒窓幽處移。一盆涼影正離披。唯公夜夜占香盡。
水蝶巖蜂俱不知。李群玉

壁裏燈殘夜未分。瓊絲雪藥白纓紛。倩他照得通宵讀。
清隱仙書小篆文。鮑溶

咄咄封夷無奈何。一嚦櫳盡不留些。豈知葉際生芽蘖。
重結香羅四出花。王建

閒對殘花倒羽觴。頽然一醉夢魂香。夜深眠覺澹無影。
水色簾前流玉霜。徐凝

曉寒和雨入窓紗。斷送闌珊一架花。容色半乾香不死。

定知仙骨變黃芽

戴叔倫

中秋前一夕為茶山翁忌辰南洞公招同賴襄及余遙吊祭焉次翁壁上舊題韵各賦一絕句置此瑤厨酒一尊招同野客醉吟魂宮林月黑夜烏叫想到海西黃葉村

送牧信侯歸羨濃省父兄信侯久斷酒詩尾故及

底事忽忽告別離京城正是菊花時故林要見鳥烏樂歸路行吟鴻鴈詩今日道東人共歎十年覩北友于知邴原本自非無量何害臨岐倒一卮

九日同子成元瑞春琴百谷遊菩薩池值雨遂抵巖倉宿全上人房

算來十五度重九多在天涯羈旅中菩薩池頭黃菊酒這回纔得故人同

吟鞋衝雨去踉蹌要就支公借座床好是山厨秋味足栗蓬半拆蕈花香

芋爐氣煖坐團欝黃紫案案玉滿盤却笑鄴侯寒乞相垂涎只仰歛僧殘禪燈耿耿闇還明一幅鶴衾惻五更冷夢乍回聞嗚嗚漫山風雨野麋鳴

暮秋有懷故園

沙鷗應怪客歸遲，朝鏡深羞見素絲。
辛苦寥閒十年業，姓名海內幾人知。
細腰杆響霜偏重，長頸瓶乾菊也衰。
人事與時俱水逝，故園松竹復何其。

九月廿七日曉起望東山翠色欲流因有所感

題一絕句

是誰染出白雲端，萬古濃藍色未乾。
下有城中貴人骨，夜來風雨漆燈寒。

子成三樹水莊次，久家暢齋韵暢齋落向云風。

流今日馬相如，恐非子成意也。余詩故為之解。

潺湲一水繞幽居，野史亭前夕照疎。
楊柳風多黃半褪，芙蓉露重錦全舒。
公評湏定闔棺後，尊酒例開抽筆餘。
寄語傍人休錯比，馬遷非是馬相如。

高雄山看紅葉十二韻

驟寒透衾被，茅檐雨聲細。
道人夜來夢已落，西崦際烏藤。
布行纏即便定遊計，出城無幾里。
野景心相契，殘金菊未莎。
鳥語媚新霽，微微雲弄姿。
稍稍山露碧，霜葉遙招人。
帶松明復翳，引入溪澗去。
萬梢錦爛麗，流泉苔吟。
杳然了遺世，暮鐘已震響。
迴風墜紅脆，色空理可悟。
何須戒定慧，請君且念唱我詩。
即金偈。

沙川旗亭送龜田生歸加賀得青字
離腸宜醉不宜醒且倒沙頭雙玉瓶
明日北歸無限路霜楓秋盡亂山青

夜過信侯

拄杖敲門豈有期清談又是夜寒時城更聲殺月三鼓
籬菊香餘霜一枝盃酒謾多當面笑文章誰是舊心知
與君剪燭論千古坐覺茶煙上鬢絲

王維

蓋代高流王給事山中松竹鎖紫荊可憐凝碧池頭句
一著輸他雷海清

元日

天街珂馬響琮琤林下閒人夢忽驚年酒到唇仍臘味
曉禽觸月已春聲長嗟齒老氣隨減且喜時清心亦平
野性雖然疎禮法也迢里巷賀王正

歲朝有行商叫賣寶船圖都人士女爭買置之
枕函中以祈夢余亦戲倣之作祈夢詩

寶船圖出費度祈一瓣心香煖玉蕤漫要生花同李白
終無殘錦到丘遲悠揚欲斷絲相續迢遞如牽路更危
應向江梅開處去化為風蝶出春帷

上元夜子成三樹水莊送添川仲穎遊江戶

浮萍斷梗舊因緣，邂逅無端又別筵。共酌一盃元夕酒，孤征千里早鶯天。不知太乙青藜杖，孰與梅兒紫玉鉗。行到江門可無夢，樓花橋月滿川煙。

春曉

曉禽相喚起開帷，只道春寒稍霽威。雨在簷前看不見，梅鬚柳鳥溼依微。

星巖丙集卷二

星巖丙集卷三

美濃 梁 緯 公圖

歸省集

起己丑二月盡九月

二月二十日將省墓，美濃發京師，口占

纏出都門酒已醒，蕭然行李影隨形。垂楊垂柳二三月，征馬短衫長短亭。明日到家頭半白，何人對我眼雙青。且留一個少游，在未抵當年禽姓丁。

垂柳暮江鄉舍詩為服在華題

生事營營沒了期，誰能無事送殘涯。一篝燈火連江雨，卧讀松陵漁具詩。

雇舟遊長命寺阻風

春容隔水蒲牢吼，擬問寶陀開士家。何物飛廉敢相阻，滿湖吹起鐵蓮花。

同小島碩平諸子飲湖亭用東坡清虛堂韵
午雨痕溼鴛鴦沙，殘煙曳素入柳衙。隊子三三蹋青去，夾岸小桃無數。花橋下買舟輕於葉，東風送到酒人家。
琵琶春酒名滿琉璃，鍾商女玉面嬌如鴉。當飲豈云囊無錢，笑解鸕鷀付小茶。況是眼中皆吾輩，竒語衝口粉天葩。君不見禰家兒郎稱孤，曹瞞面前鼓三搗。君不見鳥爪山人太清女，蔡絺背上癢一爬。湖邊春色自堪。

醉萬事何用費咨嗟，好將定子雙臉色鬪取宣城詩中霞。

拉大冢正輩諸子觀花於湖邊，一荒墩云是豐臣氏之墟。有感題長句四韻。

三月山櫻爛漫開，豐公墩上賞春來。人生有酒真堪樂，冥路無花實可哀。弱吷強呑同已矣，功名富貴共悠哉。青衫書客多情在，醉汝花前酒一盃。

東風大澀谷，對明諸子要余舟。遊晚過大洞，滿湖春水碧。於油滿岸桃花夾畫樓，蝴蝶迷花無處所。夫君輶棹且夷猶，翠眉婉女笑當酒。丹頂仙禽啼，傍舟。

好是殘霞紅不盡玉笙吹過小瀛洲

食鯉魚膾有懷如亭山人

東風吹雨過湖城梁子適有湖上行氣節正當三月半
滿岸桃花錦浪生是時鯉魚登春網網師當舷如操兵
大魚挺立小魚泣但見一摊晝戢照沙明主人家住城
南肆招我爲研鯉魚膾紅霞片片落鑾刀吻角沫飛箸
尖置膾縷之美耳久聞忽然入口疑夢寐京洛豈無活
鯉魚氣形雖同風神異昔我薄遊東海濱春茄臘筍恣
嘗新松魚上市寧辭貧不惜一頭拋千緡如亭山人饑
最老對床相呼鬪百珍意氣似欲無郇國鄒平憲章何

足云自從飄零各西東爪痕不定雪中鴻山人骨已歸
荒土白鬚我仍苦轉蓬噫噭今夕是何夕眼明見此黃
金尺恍惚如坐琳池側惜哉山人弗及知此味一生只
賞赤鰓赤

余讀書大岡氏後園時辛夷花盛開一日黃昏
今孤坐誦王荊公書堂詩因有所感成二絕句
庭柯連竹漏燈痕讀坐人間春滿園
辛夷如雪照黃昏

慶曆時清民事優辛夷花發滿林丘問公新法政成日
萬國春風能到不公詩云辛夷花發白如雪萬國春風

慶曆時此詩本集佚之見周密雅談

所見

合家貪睡掩柴門，野菜花濃午景薰。
某夢某魂誰復辨，滿園蝴蝶雪紛紛。

織女謡

有引

今茲已丑暮春余遊餘吾湖土人說織女星降為民
妻之事為作織女謡

東淡海北餘吾湖千山迴合一水孤水明如鑑山成匣
中涵天上萬星榆道人鞋榮適經此父老說事口囁嚅
昔年河漢纖錦女來就湖唇浴芳膚湖波澹蕩影亦艷
有似禾水出芙蓉湖邊農夫忽眼偷嬉奪七襄錦裙褕

雨情纏絲剪不斷同衾二年抱兩離一夕秋風動歸思
亟呼飛雲履天衢縱令天上能容物有何顏面見黃姑
定知黃姑罵污行牛鞭鞭背血模糊爾時應復戀農夫
百年悔不與他俱父老言未訖道人發長吁贈芍採蘭
聖所戒天上人間豈異途女喪一貞百事去容色才墓
何為乎嗚嗟容色才藝何為乎君不見臨邛女蔡氏妹

歸路

王孫草色綠萋萋歸路綿山望轉迷政是江東三月暮
楊花風白子規啼

余還家偃息已兩月偶得長句題壁

經年歸到舊書堂，松竹依然門庭荒。時有山僧來乞字，偶隨野老去分秧。家是挾子不離水，隣筍成竿欲過牆。京輦豈如田舍好，安眠早已五旬強。

園中即事

籬邊種下碧牽牛，纔見公苗一寸抽。連日濛鬆新竹雨，引他翠蔓到梢頭。

五日與客飲石榴花下戲詠

綠樹陰濃襟袂涼，可人風日是端陽。羅裙紅透朝霞影，豆顆圓偷火齊光。齒昔聞梁冀婦，嬌羞今見石家娘。勞他一啜留君醉，滿把菖蒲入酒香。

聞蟬

落日山蟬響滿林，肯容韻磬共鳴琴。莫憑高處擅聲勢，鉅斧迅飛來相尋。

夏日雜興

家在葉公隄下住，垂楊斜掩屋三間。苔墻雨破色逾綠，粉竹風乾痕已斑。門巷無人停襯轍，軒窓終日對孱顏。且呼拄杖逐流去，便是先生銷夏灣。

送長戶七讓游學江戶倣岑嘉州體

驪歌一曲錦鞍鶼鰈盡，不盡酒如泉。丈夫乾坤誰知已，握手肝膽鏗石堅。弘文書院如天錄，玉牙蕙軸光連娟。

君在其間日勘校中夜或見青藜煙簷前涼綠搖午影狼藉瓜蔬香滿庭請君且坐日未是更與酷取斗十千有約明春吾亦往殘花滿城子規天

食香魚

芙蓉紅淺雨初涼鱗鱗銀刀落夜梁一段人生快心事香魚時節在家鄉

初秋

幽階露白峭涼生一片吟愁夢不成殘夜雲銷河漢近似聞織女吳梭聲

七月十三日祭掃

曾侍爺娘祭祖先爺嬪亦已到黃泉今朝和淚薦蘋藻滿地荒苔細滴穿

下泖閒興

水聲多在風魚影總行空濠濮樂云極滄浪歌未工熟嘗菰米白殘摘藜花紅老子平生顧江湖號長翁

夜涼繙書到四更偶得句

雨餘爽氣透簾帷貪誦閒書夜卧遲一盞紗燈秋四壁聲聲韵徹月鈴兒

寄懷彥藩老小野田君舜卿君多藏異書落句故及

星巖內集卷三

草玄我築子雲亭。旋馬君開文靖廳。天下久無氣祲黑。
政餘好對簡編青。笛聲裂石水波激龍氣。繚城湖雨腥。
宵掃一床容坐卧。要探秘笈叩其靈。

九日有懷舊友源子肅

鳥影匆匆二十年。黃花白酒兩依然。龍山舊會人何處。
寂憶風流益萬年。

門人 美濃箕浦谷喬卿
越後玉井華冰鑒 較訂

星巖丙集卷三

